

COMUNE DE BIDONIU (Prov. ARISTANIS)

UFITZIU ELETORALE

Eleziones Polìticas de su 04/03/2018 - Votu domitziliare pro eletores chi tenent infirmitades chi non permitant de s'ispostare dae s'abitazione

SU SÌNDIGU

Bistu s'art. 1 de su D.L. 3 de ghennàrgiu 2006, n. 1, cunvertidu, cun modificatziones, de sa lege 27 de ghennàrgiu 2006, n. 22 e sas mudaduras fatas a pustis chi, in sos primos batero commas, pari pari est iscritu:

«**Art. 1 - Votu domitziliare pro eletores chi tenent infirmitades chi non permitant de s'ispostare dae s'abitazione.**

(Rubrica gasi sostituida dae dae s'art. 1 c. 1, lìtera f) de sa lege 7 de maju 2009, n. 46).

1. *(Comma gasi sostituidu dae s'art. 1, c. 1.a) de sa lege 7 de maju 2009, n. 46)* Sos eletores chi tenent infirmitades graves meda, chi non si podent ispostare dae s'abitazione in ue bivent, fintzas cun s'ausiliu de sos servìtzios de s'articulu 29 de sa lege 5 freàrgiu 1992, n. 104, e sos eletores chi tenent infirmitades graves chi sunt in cunditziones de dipendèntzia de continu e vitale dae machinàrios eletromedicales chi impedint de s'ispostare dae s'abitazione in ue bivent, podent votare in s'abitazione issoro.

2. Sos disponimentos de custu articulu si àplicant in occasione de sas eleziones de sa Càmera de sos deputados, de su Senadu de sa Repùblica, de sos cumponentes de su Parlamentu europeu ch'ispetant a s'Itàlia e de sas votatziones de referendum disciplinadas dae normativa istatale. Pro sas eleziones de sos presidentes de sas provìntzias e de sos consigieris provìntziales, de sos sindigos e de sos consigios comunales, sos disponimentos de custu articulu si àplicant ebbia si chie tenet diritu a su votu domitziliare bivet in s'àmbitu de su territòriu, de pare a pare, de su comune o de sa provìntzia in ue est eletore.

3. *(Comma gasi sostituidu dae s'art. 1, c. 1.b) de sa lege 7 de maju 2009, n. 46)* Sos eletores de su comma 1 depent fàghere arribare, in sas dies dae sa de baranta a sa de binti prima de sa data de sa votazione, a su s'indigu de su comune in ue sunt iscritos in sas listas elettorales:

a) una declarazione in carta libera, chi atestet sa voluntade de espressare su votu in s'abitazione in ue bivent e cun s'indicazione de s'indirizzu cumpletu de custa;

b) unu tzertificadu, fatu dae su funtzionàriu mèdicu, incarrigadu dae sos òrganos cumpetentes de s'azienda sanitària locale datadu non prima de barantaghimbe dies prima de sa data de sa votazione, chi tzertifichet s'esistèntzia de sas cunditziones de infirmitade inditadas in su comma 1, cun prògnosi de a su nessi sessanta dies a incomintzare dae sa data chi su tzertificadu est istadu fatu, o de sas cunditziones de dipendèntzia de continu e vitale dae machinàrios eletromedicales.

3-bis. *(Comma introduidu dae s'art. 1, c. 1.c) de sa lege 7 de maju 2009, n. 46)* Francu ogni àtera responsabilidade, a su funtzionàriu mèdicu chi faghet sos tzertificados de su comma 3, lìtera b), si non ddue sunt sas cunditziones de infirmitade de su comma 1 s'azienda sanitària locale disponet sa suspensione dae su raportu de servìtziu pro tres meses pro ogni tzertificadu fatu e, semper e cando, pro non prus de noe meses.

4. *(Comma gasi sostituidu dae s'art. 1, c. 1.d) de sa lege 7 de maju 2009, n. 46)* Si in sa tèssera elettorale de s'eletore de su comma 1 no est istada giai posta s'annotazione de su diritu a su votu assistidu, su tzertificadu de su comma 3, lìtera b), atestat sa netzessidade possìbile de un'acumpangiadore pro s'esertizzu de su votu.»;

Bista sa tzirculare de su Ministeru de s'Internu 8 de maju 2009, n 28;

Bistu s'Istatutu Comunale;

FAGHET PÙBLICU

Sos eletores interessados ant a dèpere mandare (est de prefèrrere in su modellu gratùitu de leare in s'ufitziu elettorale comunale) sa declarazione indicada a intro de su 12/02/2018, (sa de binti dies prima de sa data de sa votazione).

S'ufitziu elettorale comunale est a disponimentu pro àteros crarimentos.

Custu avisu, in relazione a su dispostu de s'art. 32, comma 1, de sa lege 18 de làmpadas 2009, n. 69, est in su situ Web istituzionale de custu comune.

Dae sa residèntzia comunale, su 23 de ghennàrgiu 2018

SU SÌNDIGU

F.du Dot.ssa Ilaria Sedda